



Secretariado

Devisão Relações Públicas, Comunicação e Educação Cívica

Agenda Nº 231/II

Reunión Plenária Tersa-feira, 8 de Setembro de 2009

Sesaun Plenária ba loron ohin nian, preside husi Presidente em Exercício Sr. Vicente da Silva Guterres hamutuk ho II^o Vice Sekretaria Sr. Dep. Teresa Maria de Carvalho.

Antes hahu Plenaria ba Sessaun dader nian, Presidente em Exercício husu ba Chefes Bankadas Parlametar sira atu halo kontato ba Membros Bankadas sira hodi bele prence qourum no Presidente em Exercício husu ba Senhores Deputados sira atu halo un minutu selencio hodi hanoin fila fali Masacre nebe akontese iha Igreja Parokia Suai nebe Milisia Pro-Integrasaun no Militar Indonesia halo.

Periodu de Antes da Ordem do Dia realiza assuntus mak hanesan tuir mai ne'e:

1. Informasaun diversos husi Senhores Deputados sira;

- Senhores Deputados sira hato'o kona ba 10^o Anos Aniversario Masacre nebe akontese iha Igreja Parokia no liberta fali eis-milisia Laksaur Sr. Martenus Bere nebe oho ema barak iha Masacre ne'e, Senhores Deputados sira kritika maka'as desijaun husi ulun boot estados nebe liberta ema nebe uluk oho ema barak, tuir Senhores Deputados sira katak desijaun ida ne'e intervensaun husi Eksekutivo ba prosesso tribunais;
- Senhores Deputados sira hato'o kritika ba Senhores Deputados sira nebe maka la displina tempo hodi prejudika qourum, Parlamento Nasional fo ona meius ba Senhores Deputados hodi fasilita kareta ba Senhores Deputados sira no ba Senhores Deputados husi Bankada Oposisaun (FRETILIN no PUN) husu ba Mesa atu bele fornese cumbistivel hodi nune'e bele fasilita Oposisaun sira nia servico;
- Senhores Deputados koalia kona ba folin fos nebe maka karun los no proseso izame nasional nebe resultadu ladun satifas estudantes sira;
- Senhores Deputados kontra desijaun husi Governo nebe liberta fali labarik sira nebe maka sunu eskola iha Bekora – Dili, tuir Senhores Deputados sira katak ne'e laos edukasaun ida que diak ba labarik sira;
- Senhores Deputados sira hato'o lamentasaun husi populasaun Distrito Baucau kona ba electricidade nebe lakan mate maibe sira selu nafatin, husu ba Komisaun G atu halo deslokasaun ba Distrito Baucau no minia ba EDTL Baucau 50 tons no be mos iha Baucau Kota Baru laiha, populasaun tenki sosa fali be mos;
- Senhores Deputados sira husu ba Mesa atu regista iha agenda kona ba Proposta de Lei kona ba Remuneratorio, Kriasaun Banco Central tamba Proposta de Lei Senhores Deputados sira prepara ona, Komisaun C iha ligasaun diak ho Ministra Finansas hodi bele servico hamutuk;

- Senhores Deputados sira husi Bankada Parlamentar FRETILIN husu ba Mesa oinsa ona ho Proesso Inkerito Parlamentar nebe FRETILIN hatama tamba Ano Legislatura ne'e atu remata ona;
- Senhores Deputados sira husu ba Governo AMP atu hadia ou rehabilitas Estradas iha Distrito Ermera ba Distrito Bobonaro;
- Senhores Deputados sira koalia kona ba Funcionarios Manitoba nebe hetan dezastre iha tempo halao servico maibe Kompanha Manitoba lakohi responsabilisa ba dezastre ida ne'e nebe Funcionarios sira hakarak halo greve;
- Senhores Deputados sira halo komentario kona ba Ano Lectivo nebe prejudika estudantes sira, Governo tenki kria aktiviades ba estudantes durante ferias fulan tolu ne'e;
- Senhores Deputados husi Bankada Parlamentar CNRT kontra prosesso liberta Martenus Bere tamba se maka intervensaun kona ba prosesso julgamento iha tribunal, nia laiha moral, Bankada CNRT husu ba Presidente da Republica atu responde preokupasaun hira ne'e;
- Senhores Deputados sira koalia kona ba Cidade Dili nebe animal barak los no karau barak maka kesi iha Dili laran;
- Senhores Deputados sira koalia koan aba kondisaun Estradas nebe liga Dili-Batugade-Balibo, estradas ne'e tuir Senhores Deputados kondisaun at liu;
- Senhores Deputados sira halo komentario kona ba prosesso akreditasaun nebe Ministerio Edukasaun hasai ;
- Senhores Deputados sira husu ba Koordenaror Juventude Distritos atu labele tau bandeira politik tamba ida ne'e sei fo impakto negativ ba unidade juventude nian;

Antes taka Periodu de Antes da Ordem do Dia, Presidente em Exercicio husu ba Komisaun sira atu hare informasaun diversas husi Senhores Deputados sira no Mesa sei konvida Procurador Geral da República no Ministra Justisa atu halo esplikasaun kona ba desijaun Governo nebe liberta eis-milisia Laksaur Sr. Maternus Bere maibe Mesa labele bolu kedas Lideransas hirak ne'e no kona ba Kriasaun banco Central Mesa iha Projecto ida no entrega ona ba Assessor sira hodi halo estudu ba projecto ne'e.

Periodo da Ordem do Dia ho assuntu mak hanesan:

1. Diskusaun no votasaun ba Projecto de Resolusaun N° 29/II kona ba “Viagem de Sua Excelência o Presidente da República aos Estados Unidos America, Dinamarca e à Alemanha,” Sua Excelencia Presidente da República Jose Ramos Horta. Sei halo visagem husi loran 19 fulan Setembro to'o 07 fulan Outubro tinan 2009. Sr. Horta sei visita Estados Unidos America (Nova Iorque no Boston) iha loran 20 to'o 20 fulan Setembro tinan 2009 no visita ba Dinamarca (Copenhaga) no Alamha (Berlim) iha loran 01 loran 5 fulan Outubro tinan 2009;

Tuir Senhores Deputados sira katak Presidente República barak liu halo viagem ba rai liur no visita ida ne'e nia objectivo saida tamba halo visita ba continental rua, Senhores Deputados sira hare katak Presidente antes halo visita ida ne'e tenki responde uluk problema liberta Sr. Martenus Bere maibe Senhores Deputados balun hato'o katak ita Parlamento Nasional labele halo fali polemika ba visita Presidente da República. Senhores Deputados sira halo votasaun ba adia ou la adia : a favor 16, contra 19 no

absetnsoens 1. Hodi nune'e Senhores Deputados sira la aseita atu suspende votasaun ida ne'e. Resultadu votasaun : a favor 16, contra 16 no abstensoens 4, hodi nune'e impata no tenki halo segundo votasaun : a favor 16, kontra 18 no abstensoens 3. Hodi un'e Projecto de Resolusaun N° 29/IIb la passa no Parlamento Nasional la fo autorizasaun ba Sua Excelencia Presidente da República halo visita ba nasaun tolu ne'e;

2. Diskusaun no votasaun generalidade ba Proposta de Lei N° 212/II kona ba Tratados Internacinais, Plenaria Periodo da Ordem do Dia ne'e marka prezensa mos Ministro Negocios Estrangeiros Sr. Zacarias Albano da Costa;
3. Diskusaun no votasaun Projecto de Resolusaun N° 30/II kona ba "Orçamento do Parlamento Nacional para 2010"

Agenda no 2 no 3 la konsege realiza tamba Plenaria Sessaun Lorokraik laiha no Ikus liu Presidente em Exercício encerra Plenaria ba ohin loron.

Cumprimentos

Gabienete de Relações Publikas